



SPRACHWELTEN

I nun è tut aur quai che glischa

A l'inscunter dals ritguns sa mesiran els cun lur models vegls: ils autos da cursa istorics fascineschan cun lur eleganza classica ed ils ferm motors. Ils manischunzs han dentant tuts la medema finamira... Ils possessurs dad Oldtimers vulan anc oz cuntanscher l'optimum cun lur vehichels e cun sasez. Els partan la stima per la fabricaziun perfetta. L'eleganza, la perfecziun e la tecnica èn sin il pli aut nivel. La fin d'emna dad Oldtimers en il Scanvetg è uschè unica sco sia culissa. La lieur da Duracell – ina marca da battarias – n'è nagut encunter ils models vegls, ed era ils ritguns s'interessan pli fitg per las forzas-chaval che per il costum da la lieur rosa. Cun battarias chargiadas preschentan ils manischunzs lur autos ed a medem temp lur possess cus-taivel, ma i nun è tut aur quai che glischa. Il tun dals motors va plaun-sieu sin la gnerva. Las nundumbraivlas remartgas èn peniblas e mallempernaivlas. «Quel sto avair daners da sterner...» Cun questas ed autras parolas ston ils amaters da Mercedes, Maseratis, Jaguars, Ferraris, etc. era anc oz viver. Las limusinas pon glischar bain, esser ritg na signifitga dentant betg adina esser ventiraivel. In premi en il Lotto ha gia taglià a blers l'erva sut ils pes, ed auters – ch'èn gia naschids en ina famiglia ritga – perdan savens il terren sut ils pes, perquai ch'els na vegnan betg a frida cun lur facultad. Jau na sai betg prender part a questa discussiun, pia poss jau era finir qua mes text, Porsche vi u nà – forsa pli tard ina gia...

Sibylle Pfiffner